

當令阿造分（自注：「造姪妙於擊拂」）。王明清《揮塵錄·餘話》卷一載蔡京撰《延福宮曲宴記》云：「上命近侍取茶具，親手注湯擊拂，少頃白乳浮醖面，如疏星澹月，顧羣臣曰：此自布茶。飲畢，皆頓首謝。」蔡襄《茶譜·點茶》云：「茶少湯多則雲腳散，湯少茶多則粥面聚。鈔茶一錢七，先注湯調令極勻，又添注入，環迴擊拂，湯上盞可四分即止。其面色鮮白，著盞無水痕爲勝。」據各家所詠或記載，蓋以茶匙（《茶譜》云：茶匙要重，擊拂有力。）取茶（湯）注盞中爲分茶也。

〔七〕「驕馬」：原作「嬌馬」，今改作「驕馬」。「驕」，驕縱也。「嬌」字誤。五代毛文錫《接賢賓》詞：「驕生百步千蹤。」成文幹《柳枝詞》：「馬驕如練纓如火。」白居易《武丘寺路》詩：「銀勒牽驕馬。」

〔八〕「龍驕馬，流水輕車」：《後漢書·明德馬皇后傳》：「車如流水，馬如遊龍。」

〔九〕「那」：語助辭。《左傳》宣二年：「棄甲則那」，杜預注：「那，猶何也。」《釋文》：「那，乃多反。」「得似舊時那」其義卽「能似舊時麼」。以問句出之，言不似舊時也。

漁家傲

唐宋諸賢絕妙詞選、林下詞選、詩詞雜俎本漱玉詞題作「記夢」。

天接雲濤連曉霧，星河欲轉歷代詩餘作「曙」。千帆舞。彷彿夢魂歸帝所〔一〕，聞天語，殷勤問我歸何處。我報路長嗟日暮，學詩謾歷代詩餘作「復」。有驚人句〔二〕。九萬里風鵬正舉〔三〕。風休住，

蓬舟吹取文津閣四庫全書本樂府雅詞作「吹往」。三山〔四〕去。○樂府雅詞卷下 唐宋諸賢絕妙詞選卷十 林下詞選

注釋

〔一〕「帝所」：上帝所居之處也。《史記·扁鵲傳》：「昔秦穆公嘗如此，七日而寤。寤之日，告公孫支與子輿曰：『我之帝所甚樂。』」（《趙世家》中趙簡子亦有「我之帝所甚樂」之語。）

〔二〕「驚人句」：此句係從上句「聞天語」而來，恨不能使天帝賞識其才耳。蓋用唐·馮贄《雲仙雜記》卷一《搔首問青天》事：「李白登華山落雁峰，曰：此山最高，呼吸之氣想通天帝座矣。恨不攜謝朓驚人詩來，搔首問青天耳。」

〔三〕「九萬里風鵬正舉」：《莊子·逍遙遊》：「窮髮之北，有冥海者，天池也。……有鳥焉，其名為鵬，背若泰山，翼若垂天之雲，搏扶搖羊角而上者九萬里。」

〔四〕「三山」：《史記·封禪書》：「自威、宣、燕昭使人入海，求蓬萊、方丈、瀛洲。此三神山者，其傳在渤海中，去人不遠，患且至則船風引而去。蓋嘗有至者，諸僊人及不死之藥皆在焉。其物禽獸盡白，而黃金銀爲宮闕。未至，望之如雲。及到，三神山反居水下。臨之，風輒引去，終莫能至云。世主莫不甘心焉。」

參考資料

藝蘅館詞選乙卷 此絕似蘇辛派，不類《漱玉集》中語。

如夢令

唐宋諸賢絕妙詞選題作「酒興」。

常全芳備祖、楊金本草堂詩餘、古今詞話、歷代詩餘卷一百十二作「嘗」。記溪亭日暮，沈醉不知歸路。興盡晚全